



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: KSI-09-169/25
Datum: 01.08.2025. godine

Na osnovu člana 52. stav (3) Zakona o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19) i člana 35. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), a postupajući po podnesenoj anonimnoj prijavi od 28.07.2025. godine za ispitivanje postojanja sukoba interesa, Komisija za odlučivanje o sukobu interesa na 127. sjednici održanoj dana 01.08.2025. godine donosi

ZAKLJUČAK

Odbacuje se anonimna prijava za utvrđivanje sukoba interesa podnesena protiv [REDACTED] gradonačelnika grada [REDACTED], zbog nenadležnosti.

Образложење

Dana 28.07.2025. godine Komisiji za odlučivanje o sukobu interesa dostavljena je anonimna prijava za ispitivanje postojanja sukoba interesa protiv [REDACTED], gradonačelnika grada [REDACTED].

Članom 2. stav (1) tačka c) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon) propisano je ko su nosioci javnih funkcija, a članom 1. Zakona propisan je predmet Zakona, odnosno obaveze, prava i odgovornosti isključivo nosilaca javnih funkcija, kao i da je Komisija za odlučivanje o sukobu interesa nadležna za sprovođenje Zakona.

S obzirom na to da [REDACTED] nema status nosioca javne funkcije, odnosno nije izabrano ili imenovano lice u organima ili institucijama Brčko distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlašćenja i lice koje je imenovao, odnosno na čiji izbor ili imenovanje saglasnost daje Skupština, odnosno Vlada, ukoliko drugim zakonom nije drugačije regulisano, Komisija za odlučivanje o sukobu interesa nije nadležna za odlučivanje u ovom slučaju jer lice protiv kojeg je podnesena prijava nije nosilac javne funkcije u Brčko distriktu BiH.

Članom 52. stav (4) Zakona o upravnom postupku Brčko distrikta Bosne i Hercegovine propisano je da ako organ koji je dobio podnesak ne može da utvrdi koji je organ nadležan za rad po podnesku, donijeće bez odlaganja Zaključak kojim će odbaciti podnesak zbog nenadležnosti i Zaključak će odmah dostaviti stranci.

Kako za prijem ovog podneska nije nadležna Komisija, to je shodno članu 52. stav (4) Zakona o upravnom postupku Brčko distrikta Bosne i Hercegovine, odlučeno kao u izreci ovog Zaključka.

Pouka o pravnom lijeku:

Protiv ovog zaključka nije dozvoljena žalba, ali stranka može pokrenuti upravni spor tužbom kod Osnovnog suda Brčko distrikta BiH, u roku od 30 dana od prijema ovog Zaključka.

Predsjednik
Komisije za odlučivanje o sukobu interesa

Admira Mujić. dipl. pravnik

Dostaviti:

- Anonimnom podnosiocu putem oglasne ploče
- Evidenciji i
- Arhivi.